

Dem Durchleuchtigen Hochge-
bornen Fürsten vnd Herrn/ Herrn Johansen/ Pfalzgrauen
bey Rhein/ Herzogen in Bayern/ Grauen zu Beldenz vnd
Spanheim/ &c. Meinem Gnedigen Herren.

Durchleuchtiger Hochgeborner Fürst/ E. F. G.
seyen mein Vnderthenig/ Gehorsame Dienst/ bester Treu
vnd Fleisses zuuor/ Gnädiger Herr. Das die Bosheit
der Menschen heutiges Tages/ leyder auff das höchste kom-
men/ ist weder zu zweiffeln/ noch zu verwundern: Das aber
solche zu diser vnsern letzten/ betrübten/ vnd gefährlichsten Zeit/ nicht new/
sondern von anbegin der Welt her/ vnd also nach vnd nach/ auch ihe lenger
vnd mehr zugenommen habe/ bezeugen fast alle/ tam Sacra, quam prophanæ
Historiæ, vnder welchen zwar/ beydes der Römer vnd Griechen/ nicht die ge-
ringste sein/ wann dieselbige mit Fleiß betrachtet werden/ also das es sich an-
sehen läßt/ als habe dise Sucht/ in dem Menschen/ so bald er zu der Welt er-
boren/ ihre erste Schoß vnd Wurzel/ inuidiam scilicet & auaritiam, gleich-
sam zulegen angefangen/ durch welche sie dermassen zugenommen/ das der
Mensch/ so bald er sich auß dem verderblichen fall/ selbst lernen erkennen/ sich
nit allein/ nicht mehr zu regieren/ vnd in terminis, ab ipsa natura sibi præscri-
ptis & concessis zu verbleiben gewißt: sondern mit vnmäßigem Neid vnd
Geiz erfülle/ ist er in vil andere Laster außgebrochen/ das er hernach nit al-
lein auß der Pflicht vnd Gehorsame seines Creatoris geschritten/ sonder Di-
uinarum & humanarum legum iam oblitus, in eine feram & bestialem quandam
immanitatem sich verstürzet/ dar auß allerley Verbitterung vnd Feindschaff-
ten hergewachsen: bis endtlichen die/ so eines fridfertigen Lebens waren/ da-
mit sie sich mit sampt dem irigen/ vor frembdem Gewalt desto besser schätzen
vnd auffhalten möchten/ ihre hin vnd wider/ auff Bergen vnd Thälern zer-
strewte/ einsame/ ihnen jedoch erwünschte Wohnungen zu verlassen gezwun-
gen/ sich allgemach zusammen gethan/ Bündnus/ vnd Gesellschaften auff-
gerichtet/ eine Politiam angestellt/ ihre Stätt vnd Wohnungen mit Mau-
ren vnd Wählen bevestiget/ vnd also collatis viribus, sese, patriamq; iam sibi
communem, zu defendirn vnderstanden. Es hat aber dise gesuchte Ruh/ vnd
verhoffte Sicherung/ auch nit lang bestehn können: Dann gleich wie huma-
no ingenio nihil sagacius, also hat es auch in disem nit lang seynen wollen/ son-
der wider erzehlte munitiones bald andere List vnd Mittel erdacht/ wie man
nemlich solchen fridenstand schwächen/ Stätt vnd Vöstungen belägern/ de-
fendirn vnd expugnirn möchte/ dar auß dan vil vnd seltsame Stratagemata, in-
ventiones vnd machinæ an Tag sein komen: was aber die Römer/ Griechen/
vnd andere Völcker/ mit denselbigen verrichtet vnd zuwegen bracht/ wie sie
die